

Dr. M lawat Gerbang Tempur Puteri

M 211 JUN 2003

KUALA LUMPUR 20 Jun — Datuk Seri Dr. Mahathir Mohamad hari ini meluangkan masa melawat Gerbang Tempur Puteri yang terletak di Aras Tiga, Pusat Dagangan Dunia Putra (PWTC).

Gerbang Tempur Puteri itu diadakan bagi menerangkan aktiviti-aktiviti Puteri UMNO sejak diwujudkan dua tahun lalu selain menyediakan kaunter daftar pemilih bagi memu-

ndahkan orang ramai mendaftar sebagai pengundi.

Kehadiran Presiden UMNO itu diiringi Setiausaha Agung UMNO, Tan Sri Khalil Yaakob dan Ketua Puteri UMNO, Azalina Othman Said.

Pada lawatan tersebut, Dr. Mahathir menurunkan tandatangannya di atas kain rentang yang diadakan bertujuan bagi menyatukan sokongan terhadap perjuangan dan sokongan beliau terutamanya dalam

usaha menubuhkan Puteri UMNO.

Perdana Menteri turut tidak ketinggalan menulis kata-kata semangat pada sekeping kad yang disediakan oleh pergerakan itu berbunyi 'Tahniah Terus-kan Perjuangan.'

Kain rentang sepanjang 60 meter yang dipenuhi dengan ribuan tandatangan orang Melayu yang sayangkan pemimpin negara itu akan digunakan untuk menyambut ketiba-

an Dr. Mahathir pada hari terakhir perhimpunan itu, esok.

Ahli-ahli Puteri UMNO termasuk ketuanya, Azalina, ketua-ketua Puteri negeri, barisan Exco dan ahli-ahli lain pergerakan itu akan berdiri beramai-ramai untuk memegang kain rentang tersebut di tempat letak kereta Aras Empat, PWTC bagi tujuan sambutan tersebut.